



Акафист
святому преподобному
Арсению, Комельскому
чудотворцу

Кондак 1

Избранный чудотворче и изрядный угодниче Христов, Арсение преподобне, восхваляем тя, безмолвия, терпения и нищеты духовныя учителя. Ты же яко имеяй дерзновение ко Господу, моли Его избавити обитель твою и нас, грешных, от всех бед и скорбных обстояний, да со умилением зовем ти:

Радуйся, Арсение, Комельский чудотворче.

Икос 1

Ангела земнаго и небеснаго человека зрим тя, преподобне; ты бо измлада Отца Небеснаго возлюбил еси и Тому Единому волю твою поработил еси. Сего ради ублажаем тя сие:

Радуйся, измлада гласу Божию в совести внимавай.

Радуйся, образ Божий в души твоей в чистоте хранивай.

Радуйся, земное величие твое по роду ни во что вменивай.

Радуйся, от юности нищету духовную возлюбивый.

Радуйся, смирения учителю.

Радуйся, девства ревнителю.

Радуйся, обитель преподобнаго Сергия, яко тихое пристанище, избравый.

Радуйся, житию Сергиеву ревностне подражавый.

Радуйся, Арсение, Комельский чудотворче.

Кондак 2

Видев в иночестве оплот и ограждение от суеты мирския и душевредных помыслов, преподобне, в юных летех, потщался еси прияти на ся ангельский образ, смиренне взывая всевидящему Хранителю душ и телес: Аллилуиа.

Икос 2

Разум твой, преподобне отче, Христовым светом просветити возжелав, вдався еси чтению Божественных писаний; узрев же пользу от сего души твоей, приял еси труд списовати священныя книги и теми ближних твоих умудряти. Сицевому твоему усердию дивящся, взываем ти:

Радуйся, пици духовныя, паче телесныя рачителю.

Радуйся, священных книг списателю.

Радуйся, о душевной пользе собратий твоих ревновавый.

Радуйся, молвы житейския избежавый.

Радуйся, труды душеполезныя честне почитавый.

Радуйся, истиною Христовою, аки мечем противу врага душевнаго спасения вооруженный.

Радуйся, словом Господним, яко хлебом небесным насыщенный.

Радуйся, в различных послушаниих испытанный.

Радуйся, Арсение, Комельский чудотворче.

Кондак 3

Силою свыше преумудренный, ты святе Арсение, избран был еси во игумена обители богоноснаго Сергия, и возлагая надежду на его многомоощное предстательство пред престолом Пресвятыя Троицы, в смирении и покорности Ея святей воли, со страхом и трепетом зывал еси: Аллилуиа.

Икос 3

Имея непрестанное попечение о вверенных твоему водителству иноцех обители Сергиевы, ты, преподобне, первее умножил еси подвиги твоя, прилагая труды ко трудом. Сего ради возглашаем тебе:

Радуйся, совершеннаго терпения наставниче.

Радуйся, смиренномудрия проповедниче.

Радуйся, надежный иночествующих руководителю.

Радуйся, преподобных Сергия, Никона, Саввы и прочих святых игуменов Лавры Сергиевы достойный приемниче.

Радуйся, свеще на свешнице Церкви
Российския поставленная.

Радуйся, иноков добрых образе и украшение.

Радуйся, Богови верный служителю.

Радуйся, преподобных Его небесный
сожителю.

Радуйся, Арсение, Комельский чудотворче.

Кондак 4

Бурю внутри имея помышлений
сумнительных, великий князь Василий смутися,
узрев тя, преподобне, игумена великия Лавры в
ветсей и

многошвейней одежды; уведев же от братии о
твоем велицем смирении и нелицемерней
простоте, прослави смирившаго себе до
крестныя смерти Господа, зовый: Аллилуиа.

Икос 4

Слышавше иноцы и мирстии людие о
подвизех твоих, преславне Арсение, прославляху
Господа и тебе, яко Его угодника. Ты же,
пребывая в Лавре послушания ради и бегая
славы мирския, почасту удалялся еси во обитель
Махрищскую, идеже удостоился еси явления

славы Божией на мощех преподобнаго Стефана и память его творити уставил еси. Последи же по слову Писания, взыскуя грядущаго града, преподобне, взем святыи крест и икону Пречистыя Богородицы, тайно удалился еси в пустыню, чая Бога спасающаго. Сего ради приими благосердне похвалы сия:

Радуйся, самоотвержения учителю.

Радуйся, простоты христианския хранителю.

Радуйся, прославления преподобнаго Стефана свидетелю.

Радуйся, памяти его установителю.

Радуйся, водительству промысла Божия покорный.

Радуйся, буим себе почитавый.

Радуйся, града грядущаго искавый.

Радуйся, горлице пустыннолюбивая, от мира в пустыню возлетевшая.

Радуйся, Арсение, Комельский чудотворче.

Кондак 5

Боготечною звездою явился еси, богомудре Арсение, стране Вологодстей, и поселился еси в веси Масленстей, идеже пред сим прославися

явлением икона Пресвятая Богородицы Одигитрии, к ней же яко благой путеводильнице притекл еси зовый в восхищении духовнем Богу: Аллилуиа.

Икос 5

Видяще вси окрестнии и проходящии людие пустынное твое житие и подвиги твоя, прославляху Господа, явившаго миру сицеваго угодника. Мы же грешнии, приносим ти похвалы сия:

Радуйся, звездо, страну Вологодскую осиявшая.

Радуйся, лозо вертограда Сергиева.

Радуйся, гордости прогонителю.

Радуйся, ига Христова носителю.

Радуйся, темноты народныя просветителю.

Радуйся, пустыни Масленския первый насельниче.

Радуйся, обуреваемых страстьми пристанище благоутишное.

Радуйся, обидимых прибежище надежное.

Радуйся, Арсение, Комельский чудотворче.

Кондак 6

Проподведник несумненного пути ко спасению явился еси, премудре Арсение, твоими труды, безкорыстием и терпением, на нихже взирающе, усердне славим давшего ти силу и крепость Господа, вопиюще Ему: Аллилуиа.

Икос 6

Возсия, яко солнце в пустыни Масленстей, но бегая молвы человеческия, преподобне, отшел еси в непроходныя дебри комельския, нося

смирения ради деревяный крест, и ту при реце Кохотши, идеже ноша с рамен твоих спаде и свет небесный осия тя, поставил еси крест и

поселился еси, чая в безмолвии работати Господеви со страхом. Сего ради прими похвалы сия:

Радуйся, промышленiem Божиим в пустыню Комельскую приведенный.

Радуйся, светом небесным zde осиянный.

Радуйся, пустыню сию от всея души возлюбивый.

Радуйся, от козней вражеских святым крестом себе оградивый.

Радуйся, покрову Пресвятыя Богородицы ся предавый.

Радуйся, единого на потребу непрестанне искавый.

Радуйся, славолюбия искоренителю.

Радуйся, соименному тебе великому Арсению верный подражателю.

Радуйся, Арсение, Комельский чудотворче.

Кондак 7

Хотя враг рода человека изгнати ты, преподобне, из пустыни Комельския, многа искушения тебе деяше; но ты яко твердый адамант неизменно пребывал еси в любви к пустыни, взывая к распятому за ны Господу: Аллилуиа.

Икос 7

Новыя труды подъял еси, блаженне Арсение, егда, по внушению Божию, устроить обитель в пустыни Комельстей восхотел еси и сея ради вины шед неленостне во град Москву и смиренне пред очи царя Василиа Иоанновича представ, молил еси оградити устрояемую обитель от обид и утеснений, яже наущением

вражеским деяша окрестнии людие. Царь же, ведая тя яко угодника Божия, и исполняя Писание: толкущему отверзется, повеле дати тебе грамоту во ограждение обители. За сицевыя твоя труды и подвиги вопием ти со умилением:

Радуйся, злато в горниле терпения
искушенное.

Радуйся, бисере честный, от скверны
греховныя безмолвием очищенный.

Радуйся, пустынных обителей основателю.

Радуйся, вражды и нестроения устранителю.

Радуйся, сердце царево на милость
преклонивый.

Радуйся, безмолвие твое ради спасения
ближних нарушивый.

Радуйся, прибегающим к тебе в нуждах
усердный помощниче.

Радуйся, сущым в напастех скорый
заступниче.

Радуйся, Арсение, Комельский чудотворче.

Кондак 8

Станным твоим житием, преподобне,
пустыня Комельская озарися, емуже внимающе,

устранимся мира, ум на небеса возложше, аще бо

спасения душевнаго ради и удалился еси в пустыню, но мнози пустыннолюбцы сокровищами души твоея привлекл еси, с нимиже ныне в

невечернем свете сладко воспеваеши светоподателю Христу: Аллилуиа.

Икос 8

Весь исполнен был еси любви к Богу и ближним твоим, святе Арсение, и сего ради безропотне принимал еси неисчетныя обиды от гонящих тя из пустыни. Егда же временно отшедшу ти из келии твоей, людие нечестивии нападоша на ню и келейнаго твоего старца убиша, ты, преподобне, в велицей скоби и потери брата и о духовней погибели тех буиих людей, дал еси место гневу и удалился еси за тридесять поприщ в дебрь шилегодскую, идеже пожил еси в совершенном безмолвии, дондеже открыт был еси ловцем зверей. Сицевому терпению дивящися, возглашаем ти:

Радуйся, любви Христовы верный носителю.

Радуйся, спасительного долготерпения учителю.

Радуйся, обиды, яко воздаяние за грехи, приймавый.

Радуйся, содеянное тебе зло незлобием покрывый.

Радуйся, пустыню Шилегодскую житием твоим освятивый.

Радуйся, явлением твоим зверей дубравных удививый.

Радуйся, невинно страждущих твоим примером укрепивый.

Радуйся, сирых и убогих покровителю.

Радуйся, Арсение, Комельский чудотворче.

Кондак 9

Всякую нашу скорбь утоли твоею многомогущею помощию, преподобне Арсение, и испроси нам у Господа силу и крепость понести крест свой до конца живота, взывая Владыце всех: Аллилуиа.

Икос 9

Ветия многовещанная, яко рыбы безгласная, видим о тебе, богомудре Арсение; недоумеют бо достойне восхвалити твоя подвиги. Мы же

грешнии, любовь к тебе подвигаемии, дерзаем ублажати тя сице:

Радуйся, пустынников древних, Антониа, Павла, Герасима нелицемерный подражателю.

Радуйся, Христа, не имевшаго где главы преклонити, твердый последователю.

Радуйся, от зверей лютых почитаемый.

Радуйся, от людей зверонравных гонимый.

Радуйся, ловцу зверей себе явивый.

Радуйся, безкорыстием и прозорливостию ловца того поразивый.

Радуйся, новую обитель в дебри шилегодстей основавый.

Радуйся, яко силою молитв твоих обитель та со всеми притекшими к ней от нашествия татар спасеся.

Радуйся, Арсение, Комельский чудотворче.

Кондак 10

Спасти хотя душу твою на месте, Богом указанном ти, святе Арсение, вознамерился еси возвратиться в любезную тебе пустыню Комельскую и zde обитель устроить; первее же ты направил еси стопы твоя во град Москву к царю Василию Иоанновичу; испросив же от него новую грамоту ради пустыни Комельския, со учеником Герасимом отшел еси из обители Шилегодския на прежнее место в пустыню Комельскую и начал еси устроить обитель во славу и честь Пресвятыя Богородицы, Юже, яко непрестанную помощницу и скорую заступницу прославляя, с верою и надеждою взывал еси Богу: Аллилуиа.

Икос 10

Стена еси крепкая обители твоей и всем прибегающим, преподобне Арсение, твоим бо святым житием многия в пустыню привлекл еси, сего ради вопием ти:

Радуйся, жития иноческаго мудрый устроителю.

Радуйся, смирения, целомудрия и нестяжательности ревностный насадителю.

Радуйся, земный ангеле и небесный человеце.

Радуйся, к тебе бо, яко мудрому наставнику, искавшии совершенства прибегаху.

Радуйся, яко слову твоему и звери дубравнии внимаху.

Радуйся, злых сердец умягчение.

Радуйся, обители твоея неусыпный попечителю.

Радуйся, Пречистыя Богородицы верный служителю.

Радуйся, Арсение, Комельский чудотворче.

Кондак 11

Пение умиленное аще и приносим ти, достохвальне Арсение, ничтоже совершаем достойно, но ты, преподобне, покрый наше недостойнство твоим снисхождением и научи ны чистым сердцем воспевати прославившему тя Господу: Аллилуиа.

Икос 11

Светозарным светилом возсиял еси, преподобне Арсение, в пустынях Шилегодстей и Комельстей, аще и преселился еси в последнюю, но не забыл еси посещати и первую, обличая

окрестные люди в нарушении ими заповедей и уставов церковных. Пред концом же живота твоего ты, преподобне, затворился еси в келии твоей и начал еси готовиться; последи же собрал еси братию к смертному одру твоему, моля их имети любовь между собою, благословив же их, мирно предал еси дух твой Богу, и погребен был еси во обители Комельстей, идеже мощи твоя токи чудес изливают, подвизающе взывати тебе:

Радуйся, светило, свет свой от Христа восприявшее.

Радуйся, яко светом тем пустыни осветишася.

Радуйся, заповедей господних строгий исполнителю.

Радуйся, нарушителей оных скорый обличителю.

Радуйся, кончину твою предъзнавый.

Радуйся, мощи твоя во благословение обители давай.

Радуйся, яко мощи сия токи чудес источают.

Радуйся, яко чудеса тая восхваляти тя благодарне подвизают.

Радуйся, Арсение, Комельский чудотворче.

Кондак 12

Благодати источник святых мощи твоя
имама и до днесъ, блаженне Арсение, аще бо и
обитель твоя убежищем инокинь ныне соделана
бысть; в Царствии бо Небеснем несть мужеск
пол, ни женск, но вси роди, единым сердцем и
едиными усты, немолчне славословят подателя
всех благ Святаго Духа утешителя, поюще Ему:
Аллилуиа.

Икос 12

Поюще твоя подвиги и чудеса, славословим
прославльшаго тя Господа и просим тя,
преподобне Арсение, освяти, вразуми и научи
ны, грешныя, со умилением взывати тебе:

Радуйся, буиих вразумителю.

Радуйся, расслабленных возстановителю.

Радуйся, слепым зрение, глухим слышание,
немым разрешение языка даровавый.

Радуйся, трезвости утвердителю.

Радуйся, враждующих примирителю.

Радуйся, совести пробудителю.

Радуйся, душеполезных благ подателю.

Радуйся, не точию обители твоея, но и всея области Вологодския покровителю.

Радуйся, Арсение, Комельский чудотворче.

Кондак 13

О преподобне и богоносне отче наш Арсение, приими от нас недостойных, малое сие моление и богоприятным ходатайством твоим умоли Господа избавити Церковь Православную от безверия, ересей и расколов, Отечество наше от нашествия иноплеменных, от недуга и глада, от всякия скорби и смертоносныя раны, обитель же твою и нас всех от враг видимых и невидимых. Да твоим всемоцным заступлением укрепляеми и твоею любовью согреваеми с верою и надеждою благодарне вопием Творцу небесе и земли: Аллилуиа.

Кондак сей глаголи трижды, таже икос 1-й и кондак 1-й.

Молитва

О священная главо, преподобне отче, и преблаженный авво Арсение! Не забуди нищих нас до конца, но поминай всегда во святых твоих и богоприятных молитвах к Богу. Помяни стадо твое, еже сам упасл еси, и не забуди

посещати чад твоих; моли за ны, отче священный, за дети твоя духовныя, яко имеяй дерзновение к Небесному Царю. Не премолчи за ны ко Господу и не презри нас, верою и любовью чтущих тя, помяни нас недостойных у Престола Вседержителя, и не престай моляся о нас Христу Богу; дана бо тебе благодать за ны молитися. Не мним тя суща мертв, аще телом и преставился еси от нас, но и по смерти убо жив сый пребываеши; не отступай от нас духом, сохраняй нас от стрел вражиих, и всякия прелести бесовския и козней диавольских, пастырю наш добрый! Аще мощей твоих рака пред очима и видима есть всегда, но святая твоя душа, со ангельскими воинствы, со безплотными лики, с небесными силами, у Престола Вседержителя предстоящи, достойно веселится. Темже к тебе припадаем, и тебе молим, и тебе милися деим, молися о нас всесильному Богу о спасении душ наших, испроси нам время на покаяние, и еже невозбранно прейти от земли на небо; мытарств же горьких воздушных князей и вечныя муки избавитися, и Небесному Царствию наследники быти, со всеми праведными, от века угодившими Господу

нашему Иисусу Христу, Ему же подобает всякая слава, честь и поклонение, ныне и присно и во веки веков. Аминь.

